

**01 IUNIE
RUGĂCIUNEA
SF.MUCENIC
IUSTIN FILOSOFUL DE LA ROMA**

Молитва

О, святой мучениче Иустине! Призри с Небеснаго чертога на требующих твоея помощи и не отрини прошений наших, но, яко присный благодетель и ходатай наш, моли Христа Бога, да сохранит нас от всякаго лютаго обстояния: от труса, потопа, огня, меча, нашествия иноплеменников и междоусобных брани; да не осудит нас, грешных, по беззакониям нашим, и да не во зло обратим благая, даруемая нам от Всещедраго Бога, но во славу святаго имени Его и в прославление крепкаго твоего заступления. Да молитвами твоими даст нам Господь мир помыслов, воздержание от пагубных страстей и от всякия скверны и да укрепит во всем мире Свою единую Святую Соборную и Апостольскую Церковь, юже стяжал есть Честною Своею Кровию. Молися прилежно, святой мучениче, да благословит Христос Бог державу нашу, да утвердит во святей Своей Православней Церкви живой дух правыя веры и благочестия, да вси чада ея пребудут в чистоте от суемудрия и

суеверия, и духом и истиною да покланяются Ему и усердно пекутся о соблюдении Его заповедей, да мы все в мире и благочестии проживем в настоящем веке и достигнем блаженныя вечныя жизни на Небеси благодатию Господа нашего Иисуса Христа, Ему же подобает всякая слава, честь и держава со Отцем и Святым Духом, ныне и присно и во веки веков.

Аминь.

